

Հաստատում եմ:

Խ. Աբովյանի անվան հայկական պետական վերլուծությունների և համալսարանի ոլորտի Գործառնա



**ԿԱՐԾԻՔ**

**ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ**

*Դավիթ Ռոմիկի Մոսինյանի «Պատմության փիլիսոփայական հայեցակերպերի մեթոդաբանական վերլուծություն» թեմայով Թ.00.01 «Փիլիսոփայություն» մասնագիտությամբ փիլիսոփայական գիտությունների դոկտորի գիտական աստիճանի հայցման ատենախոսության վերաբերյալ*

Խ. Աբովյանի անվան հայկական պետական մանկավարժական համալսարանի ակադեմիկոս Գեորգ Բրուտյանի անվան փիլիսոփայության և տրամաբանության ամբիոնի 2024 թ. հոկտեմբերի 18-ի նիստին մասնակցում էին ամբիոնի վարիչ, փիլ. գիտ. դոկտոր, պրոֆեսոր Հասմիկ Հովհաննիսյանը, փիլ. գիտ. դոկտոր, պրոֆեսորներ Ռոբերտ Զիջյանը և Քաջիկ Օհանյանը, փիլ. գիտ. թեկնածու, դոցենտներ Անդրանիկ Ստեփանյանը, Հովհաննես Հովհաննիսյանը, փիլ. գիտ. թեկնածու, ասիստենտ Մարինե Շահբազյանը և դասախոս Նելլի Պետրոսյանը:

Նիստի օրակարգում, ի թիվս այլ հարցերի, դրված էր Երևանի պետական համալսարանում գործող ՀՀ Բարձրագույն կրթության և գիտության կոմիտեի 013 մասնագիտական խորհրդին հրապարակային պաշտպանության ներկայացված Դավիթ Ռոմիկի Մոսինյանի «Պատմության փիլիսոփայական հայեցակերպերի մեթոդաբանական վերլուծություն» թեմայով ատենախոսության մասին Թ.00.01՝ «Փիլիսոփայություն» մասնագիտությամբ փիլիսոփայական գիտությունների դոկտորի գիտական աստիճանի հայցման ատենախոսության քննարկումը:

Ելույթ ունեցան ատենախոսության գրախոսներ Քաջիկ Օհանյանը և Անդրանիկ Ստեփանյանը՝ հրապարակելով իրենց գրավոր կարծիքները:

Արտահայտվեցին պրոֆեսոր Ռ. Զիջյանը և դոցենտ Հովհ. Հովհաննիսյանը:

Քննարկման արդյունքներն ամփոփեց ամբիոնի վարիչ Հ. Հովհաննիսյանը:

Քննարկելով Դավիթ Ռոմիկի Մոսինյանի «Պատմության փիլիսոփայական հայեցակետերի մեթոդաբանական վերլուծություն» թեմայով ատենախոսությունը՝ նիստի մասնակիցներն ընդունեցին հետևյալ որոշումը.

## **ԵԶՐԱԿԱՑՈՒԹՅՈՒՆ**

Դավիթ Մոսինյանի ատենախոսությունը վերաբերում է պատմության փիլիսոփայությանը, պատմության փիլիսոփայական հայեցակետերին: Ներկայացված ատենախոսության արդիականությունը պայմանավորված է այն հանգամանքով, որ պատմության փիլիսոփայությունը նպաստում է պատմագիտական ճգնաժամերի հաղթահարմանը: Պատմությունը ժամանակ առ ժամանակ, իսկ վերջին շրջանում հատկապես, վերանայումների ու վերաիմաստավորումների կարիք է զգում: Այդ գործում փիլիսոփայության դերն անուրանալի է, իսկ մասնավորապես պատմության փիլիսոփայության գործառույթը՝ անգերազնահատելի: Ատենախոսության խնդիրն է եղել հնարավորինս որոշակիություն մտցնել պատմության փիլիսոփայության բնագավառի այսպես ասած մետամակարդակում՝ դասակարգելով պատմափիլիսոփայական մոտեցումները: Ատենախոսին հաջողվել է վերհանել պատմությանն առնչվող առանցքային փիլիսոփայական խնդիրները, ցույց տալ դրանց կարևորությունը ինչպես պատմագիտական, այնպես էլ պատմափիլիսոփայական մտքի զարգացման գործում և վերլուծել պատմության փիլիսոփայության շրջանակներում ձևավորված ավանդական ու ժամանակակից մի շարք հայեցակարգեր: Թեմայի արդիականության մասին վկայում է նաև այն նորագույն մասնագիտական գրականության ծավալը, որն առկա է ատենախոսության մեջ հղումների կամ վերլուծումների տեսքով:

Ատենախոսությունն ունի տրամաբանական կուռ կառուցվածք. ներածությունը, չորսական ենթագլուխներ պարունակող չորս գլուխները և եզրակացություններն ապահովում են ատենախոսության հիմնական գաղափարների շարունակականությունը և մտքերի զարգացումը: Ատենախոսը հստակորեն

ձևակերպել է հետազոտության նպատակն ու խնդիրները, ուսումնասիրել է թեմային վերաբերող հսկայական գրականություն, իրականացրել է պատմության փիլիսոփայության խնդիրների վերաբերյալ առկա մոտեցումների և հայեցակարգերի մանրակրկիտ և խոր վերլուծություն: Պատմության փիլիսոփայության հայեցակարգերի հետազոտությունը ներկայացված է համակարգային մոտեցմամբ, ինչը հնարավորություն է տվել ամբողջականորեն ու բազմաչափորեն սահմանել խնդրո առարկան: Ատենախոսությունն ունի հստակ ու որոշակի գիտական ապարատ, շարադրված է գրագետ և ակադեմիական բարեխղճությամբ: Այնուամենայնիվ, կուզեինք այստեղ ուշադրություն հրավիրել մի քանի նկատառումների վրա:

Նախ՝ կառուցվածքային առումով, ինչը հայեցակերպերի դասակարգման հետևանքն է, հարց է առաջանում, թե ինչու են մի կողմից՝ նույնացվել բարոյագիտությունը և տրամաբանությունը (ինչն արտացոլված է ատենախոսության երրորդ գլխում), մյուս կողմից՝ «կամ» շաղկապով նույն հարթության վրա են դրվել սոցիալ-փիլիսոփայական և քաղաքագիտական հայեցակերպերը:

Այնուհետև՝ ատենախոսությունը հավակնություն ունի հնարավորինս ամբողջականորեն ու համապարփակորեն ներկայացնել պատմության փիլիսոփայության ոլորտը, ինչի ուղղությամբ մեծ աշխատանք է կատարված, սակայն ատենախոսությունից դուրս են մնացել պատմության փիլիսոփայության ժամանակակից որոշ հայեցակարգեր, ինչպիսին օրինակ՝ պատմության փիլիսոփայության սիներգետիկական հայեցակարգն է: Մինչդեռ այդ ուղղությամբ արդեն իրականացված են հետազոտություններ, հրատարակված են աշխատություններ (տե՛ս օրինակ՝ Бранский В.П., Оганян К.М., Кармин А.С. *Синергетическая философия истории. Кол. монография Петербургской школы социальной синергетики*. СПб.: Изд-во КОПИ-ПРИНТ Рязань, 2009. – 314 с.): Այդ հայեցակարգի ընդգրկումն առավել կհարստացնեի ատենախոսությունը և էականորեն կնպաստեր դրա բարելավմանը:

Որոշ հարցեր կան նաև ատենախոսության մեթոդաբանական հատվածի հետ կապված: Հաշվի առնելով, որ ատենախոսության վերնագրում առկա է «մեթոդաբանական վերլուծություն» ձևակերպումը, առավել ևս ուշադրությունը պետք

է դարձվեր մեթոդներին ու դրանց հստակեցմանը: Իբրև հետազոտության հիմնական մեթոդ նշված է համակարգային մեթոդը, բայց դրա ընտրության հիմնավորումը կարծես թե կաղում է. ինչո՞ւ և ինչպե՞ս է դա ապահովում հետազոտության ամբողջականությունն ու լրիվությունը: Մեթոդաբանական առումով ատենախոսությունը կշահեր, եթե կիրառվեին նաև մի շարք բնագիտական մեթոդներ: Գիտության փիլիսոփայության բնագավառում հսկայական աշխատանք է արվել այդ ուղղությամբ, և կարելի էր այդ ձեռքբերումներն օգտագործել նաև պատմության փիլիսոփայական ուսումնասիրման պարագայում:

Ատենախոսության մեջ նկատելի են նաև, այսպես ասած, տեխնիկական խնդիրներ: Մասնավորապես՝ ինչպես ատենախոսության, այնպես էլ սեղմագրի 7-րդ էջում գրված է, որ պատմության փիլիսոփայություն եզրույթն «առաջին անգամ գործածել է Վոլտերը», բայց հղում չկա նրա համապատասխան աշխատությանը: Ի դեպ, հղումները բացակայում են նաև ատենախոսի՝ ատենախոսության հիմնական դրույթներն արտահայտող որոշ աշխատությունների դեպքում. չի երևում, թե ատենախոսության որ դրույթը ատենախոսի որ աշխատության մեջ է քննարկել ու հիմնավորվել:

Կցանկանայինք հիմնավորման տեսանկյունից ուշադրություն հրավիրել նաև որոշ լեզվական վիճահարույց հատվածների վրա: Ատենախոսությունն էլ, սեղմագիրն էլ սկսվում են պնդումով, թե «պատմությունը ճանաչելի չէ փորձիմացությամբ»․ այստեղ կամ «փորձիմացություն» բառը բացորոշման կարիք ունի, կամ էլ այդ պնդումը պետք է հիմնավորվի:

Քանիցս հանդիպում են ձևակերպումներ ու արտահայտություններ, որոնք թերևս լրացուցիչ պարզաբանման կարիք ունեն, զորօրինակ՝ «մտածել պատմությունը», «իրադարձութենական պատմություն», «իրողութենական և գրութենական պատմություն» և այլն:

Ատենախոսությունը, ինչպես արդեն նշեցինք, բավականին լայն ընդգրկում ունի, աչքի է ընկնում խոր վերլուծականությամբ և հավակնություն ունի առաջին անգամ մեկտեղել պատմության փիլիսոփայական բոլոր հայեցակերպերը: Ատենախոսության հիմնական նորույթը համադրական մոտեցմամբ պատմության փիլիսոփայության՝

որպես գիտակարգի որոշակիացումն է, որը ձևակերպված է 6 առանձին դրույթներով: Սակայն տպավորություն է, որ կատարված աշխատանքն ավելին է, քան դրա շրջանակներում ձևակերպված գիտական նորույթներն են արտահայտում: Այդ տպավորությունից խուսափելու համար ատենախոսը պետք է ավելի հստակ ձևակերպեր նորույթները: Գիտական նորույթները պետք է լինեն միանշանակ. եթե դրանք մեկնաբանությունների ու տարընթերցումների տեղիք են տալիս, յուրաքանչյուր ընթերցող կհասկանա յուրովի, ինչն էլ անորոշության տպավորություն կստեղծի: Ատենախոսության մեջ ձևակերպված 2-րդ նորույթի համաձայն՝ «պատմության գոյաբանական, իմացաբանական, տրամաբանական-բարոյագիտական և քաղաքագիտական հայեցակետերը սպառում են պատմությունը փիլիսոփայորեն մտածելու դիտանկյունները» (սեղմագիր, էջ 12): Բավականին կոշտ այս ձևակերպումը կարծես թե ահազանգում է պատմության փիլիսոփայության ոլորտում փակուղու ձևավորման մասին: Բայց արդյոք երբևէ սպառվո՞ւմ են փիլիսոփայական մտածողության հնարավորությունները, «սպառել» բառը չի աղքատացնո՞ւմ փիլիսոփայությունը: Ինչպե՞ս կարող ենք համոզված լինել, որ չկան կամ ի հայտ չեն գա պատմությունը մտածելու նոր դիտանկյուններ: Ատենախոսության 3-րդ նորույթը վերաբերում է նրան, որ պատմության փիլիսոփայության ոլորտի միասնականությունը հնարավոր է միայն որպես ատենախոսի առանձնացրած հայեցակետերի դիրքերից իրականացվող երկխոսություն: Սա թերևս կարևոր դրույթ է, բայց կարծես թե կիսատ է մնացել, որովհետև պետք էր ցույց տալ, թե ինչպես է տեղի ունենում այդ երկխոսությունը, պետք էր մատնանշել երկխոսության համար անհրաժեշտ ընդհանուր եզրերը: Ամենախոցելին թերևս 4-րդ նորույթն է, որը ձևակերպված է այսպես. «Պատմության փիլիսոփայական յուրաքանչյուր հայեցակետայ ամբողջական է դառնում, եթե դիտարկվում է մյուս հայեցակետերի հետ հարաբերության մեջ, իսկ դրանցից բխող խնդիրները հնարավորինս որոշարկվում են մյուս խնդիրների հաշվի առնումով» (սեղմագիր, էջ 12): Արդյո՞ք հայտնի չէր և նորույթ է, որ ինչ-որ մի խնդիր կամ հայեցակետ ավելի է որոշարկվում, երբ դիտարկվում է հարակից խնդիրների կամ հայեցակետերի հետ միասին: Եվ վերջապես՝ 6-րդ նորույթը հաստատում է, որ պատմության փիլիսոփայական որևէ հայեցակետայ

ճանաչողական առումով առավելություն չունի մյուսների նկատմամբ. բայց չէ՞ որ ամեն հայեցակերպ ունի իր յուրահատկությունը, և դրա դիտանկյունից մյուսները պակաս կարևոր են դառնում: Նորոյթների վերաձևակերպան առավել հիմնավոր ու կառուցիկ կդարձնի ատենախոսությունը:

Բովանդակային առումով մեծ ու կարևոր է աշխատանք է կատարված, որի շրջանակներում վերհանված խնդիրները, դրանց համապատասխան վերլուծությունները և ընդհանրապես հետազոտության արդյունքներն էականորեն նպաստում են ոչ միայն բուն պատմության փիլիսոփայության ոլորտի որոշակիացմանը, այլև պատմագիտական հետազոտությունների հիմնավորմանն ու հարստացմանը: Ատենախոսությունը մեթոդաբանական հենք կարող է լինել կոնկրետ պատմագիտական նյութի առավել համակողմանի վերլուծության համար: Վստահ ենք, որ դա որպես փիլիսոփայական հիմք կծառայի ատենախոսին իր հետագա հետազոտություններում՝ ուղղված պատմության և մասնավորապես հայոց պատմության վերահիմաստավորումներին:

Ատենախոսության եզրակացությունները բխում են բուն հետազոտությունից և արտահայտում են կատարված աշխատանքի էությունը: Ստացված արդյունքներն ու եզրակացությունները վստահաբար կարելի է կիրառել ինչպես գիտական, այնպես էլ կրթական գործունեություններում: Եզրակացությունները վկայում են ատենախոսության ընդգրկունության ու խորության մասին, սակայն որոշ դեպքերում վերաձևակերպումների կարիք ունեն՝ հնարավոր տարրնթերցումներից խուսափելու համար:

Նշված դիտողություններն ու նկատառումները ավելի կատարյալ գիտական աշխատանք ունենալու նպատակ են հետապնդում և բնավ չեն ստվերում ատենախոսության արժեքը: Ավելին՝ ամբողջ վերոգրյալը թույլ է տալիս եզրակացնելու, որ Դավիթ Մոսինյանի ատենախոսությունը համապատասխանում է դոկտորական ատենախոսությունների համար ՀՀ Բարձրագույն կրթության և գիտության կոմիտեի սահմանած բոլոր պահանջներին, ատենախոսության սեղմագիրը համապատասխանում է ատենախոսությանը, իսկ Դավիթ Ռոմիկի

«Փիլիսոփայություն» մասնագիտությամբ փիլիսոփայական գիտությունների դոկտորի գիտական աստիճանի:

Կարծիքը քննարկվել և հաստատվել է ամբիոնի 2024 թ. հոկտեմբերի 18-ի թիվ 4 նիստում (արձանագրություն թիվ 1):

Հասմիկ Հովհաննիսյան

Խ. Աբովյանի անվան Հայկական պետական մանկավարժական համալսարանի ակադեմիկոս Գեորգ Բրուտյանի անվան փիլիսոփայության և տրամաբանության ամբիոնի վարիչ

«Փիլ. գիտ. դոկտոր» աստիճանի Հովհաննիսյանի ստորագրությունը հաստատում եմ»:



Մարիամ Իսակիրյան

**Տեղեկություններ առաջատար կազմակերպության մասին.**

Խ. Աբովյանի անվան Հայկական պետական մանկավարժական համալսարան  
հասցե՝ ք. Երևան 0010, Տիգրան Մեծի 17  
հեռ.՝ 010597049  
էլ. փոստ՝ aspu.am@aspu.am